



The Acts of the Prophet.  
Rev. Pearry Green.  
Preface.  
Ilocano.

## Pakauna.

Gapu iti naisangsangayan a suheto ken linaon daytoy a libro, mariknak a kasapulan ti maysa a kaadu ti panangilawlawag tapno ad-adda a maawatan ken ad-adda a maapresiar ti agbasbasa ti mensahe a linaonna. Naadaw ti libro manipud kadagiti nai-tape a sermon nga intedko iti kongregasionko iti saan a denominasional a Tucson Tabernacle, idiy Tucson,

Arizona, idi primavera ti 1969. Maysa ngarud dayta a "naisao a libro," ket nupay na-edit, pagtalinaedenna latta ti raman ti pinarsuana iti agsasaruno a sermon.

Maipapan daytoy a libro iti maysa a tao a naibaon manipud iti Dios agingga iti daytoy a Panawen. Daytoy a tao ket maysa a Propeta; kaskasdi kas kinuna ni Cristo maipapan ken Juan a Mammuniag iti Mateo 11:9, patiek nga isu ket ad-adda ngem maysa a propeta, ta isu ket maysa a Propeta-Mensahero agingga kadagiti pangserra nga aldaw ti Kinakristiano. Ni Isaias, sakbay unay ti pannakayanak ni Cristo, inwaragawagna iti Isaias 9:6,

*Naipasngay kadatayo ti maysa nga ubing! Adda ubing a lalaki a naited kadatayo! Ket isunto ti mangituray kadatayo! Maawaganto iti, "Nakaskasdaw a Mammagbaga," "Mannakabalin a Dios," "Agnanayon nga Ama," "Prinsipe ti Kappia."*

Kasta met, mabalinko a taliawen ti rugi daytoy Maikaduapulo a Siglo ket ibagak a naited kadatayo ti maysa nga anak a lalaki, naipasngay kadatayo ti maysa a Propeta, ket masapul nga umun-una ngem ti Maikadua nga iyaay "dayta nga Anak" ti padto ni Isaias manen ditoy daga. Ti kompleto nga estoria ti biag daytoy a Propeta ket punnuenna ti adu nga ad-adu a tomo ngem siak, maysa a ministro ti Ebanghelio ni Jesucristo, ti maaddaan iti panawen nga agsurat. Saanak met a nakumision nga agbalin a mannurat. Ti trabahok ket panangasaba, ngem maysaak a manangaskasaba a ti biagna ket naan-anay a naapektaran iti ministerio daytoy a Propeta iti Panungpalan, isu a nagbalin a nasukog ti bukodko a ministerio iti baro a panggep.

Isu a daytoy ket, nga itudok daytoy a tao ken ti Mensahena a kas iti intudona ken Cristo. Iti daytoy a wagas laeng a matungpalko dagiti ministerial a pagrebbengak iti panagserbi iti Dios - babaen ti panangbigbigko iti inaramidna para iti daytoy a lubong ti Maika-2pulo a Siglo babaen ti biag ti maysa a tao. Ti tarigagayko ket iyam-ammok amin nga agbasbasa iti daytoy a salaysay iti kababalin, biag, ken aramid daytoy a tao a pinili ti Dios.

Saksi daytoy a libro dagiti namilagruan a banag a nakitak ken nangngegko, ta pudno a binendisionannak ti Dios ket kayatko nga ited Kenkuana ti dayag. Saanak nga agpadispensar iti masansan a panangdakamatko iti nagan daytoy a lalaki, ta patiek nga uray dagiti pito ti letra a paset ti naganna ket inordenan ti Dios: ni William Marrion Branham, maysa a Propeta

iti Maika-2pulo a Siglo, maysa a tao ti Dios a napili nga umun-una ngem ti Maikadua nga Yaay ni Apo Jesucristo.

Awagak isuna, "Kabsat" Branham, ta kinunana, "no ay-ayatennak, awagannak iti kabsat," ket silulukat ti biagko iti aniaman a karit a diak pudno nga inayat daytoy a kabsat, daytoy a tao ti Dios.

Kas nailanad iti Aramid 4, dagiti adalan ket inayaban dagiti agtuturay, kinabkabilda iti adu a garit, ken naparitan nga agsao wenno mangisuro iti Nagan ni Jesucristo. Ti sungbatda kadagiti mangak-akusar kadakuada ket, *"Dakayo ti mangikeddeng no ania ti nalinteg iti imatang ti Dios: agtulnogkami kadakayo wenno agtulnogkami iti Dios? Saan a mabalina a dimi ipakaammo dagiti nakita ken nangngegmi."*

Kasta met sakbay a kondenarendak gapu iti daytoy nanumo a sinurat, ammo koma dagiti mangak-akusar kaniak a nariknak nga indauluannak ti Dios a mangaramid iti dayta. Ti maysa a makapilit a rason no apay a masapul nga aramidek daytoy ket gapu iti panagyamanko iti saksi dagidiay nakipagna ken Jesus. Agyamanak iti Dios gapu iti rekordda. Tinungpalda ti bilin ni Jesus kalpasan ti panagungar iti Lucas 24:48 *"Dakayo ti makasaksi kadagitoy."*

Ammok a no nagbiagak idi kaaldawan ni Jesus, iti daga nga adayo iti Israel, ket adda immay a mangibaga kaniak maipapan ken Jesu-Cristo, apresiareno koma ti napudno a panangsaksida. Isu a kas mamatiak a sinarungkaran ti Dios daytoy a kaputotan, umayak nga ibaga no ania ti inaramidna. Nangibaon iti maysa a Propeta, ket mariknak a pribilehioak a mangsaksi kadagidiay a banag a naaramid babaen ti biag dayta a Propeta.

Agtalekak a nalawag nga inaramidko ti responsibilidad a mariknak a mangibaga iti nakita ken nangngegko, a mangtungpal iti maysa a komision a mangsaksi iti inaramid ni Jesucristo iti kaputotak. Uray kalpasan ti iyuuli ni Apo Jesus iti langit, nagduadua dagiti adalan a nangaramid iti daytoy. Iti Aramid 1:4-8 ibaga ti Biblia a binilin ni Jesus dagiti naguummong nga adalan a saanda a pumanaw idiy Jerusalem no di ket urayenda ti Kari ti Ama, a kunkunana iti bersikulo 5,

*"Namuniag ni Juan iti danum, ngem kalpasan ti sumagmamano pay nga aldaw, mabuniagankayto iti Espiritu Santo."*

Dinamagda Kenkuana no iti dayta a tiempo isublina manen ti pagarian iti Israel, a sinungbatanna: Aramid 1:7,8.

*7 Simmungbat ni Jesus: "Intuding ni Amak, babaen iti turayna, dagiti tiempo ken pasamak ket saan a masapul a maammoanyo ida."*

*8 Ngem inton umay kadakayo ti Espiritu Santo, maikkankayto iti pannakabalin.*

*Dakayto ti mangpaneknek iti maipapan kaniak idiy Jerusalem, iti entero a Judea ken Samaria, agingga iti amin a suli ti daga."*

Manipud kadagitoy a bersikulo, patiek a ti pannakapunno ti Buniag ti Espiritu Santo ket mangyeg iti bileg iti umawat a rummuar ken mangsaksi kadagiti banag nga impalubos ti Dios

a mapasaranna ken maawatanna iti panagbiagna. Awan duadua nga idi imbaga da Pedro, Santiago, Juan ken dagiti dadduma ti sumagmamano a banag, adda kadagiti agdengdengneg dagidiay saan a mamati gapu ta saanda a mismo a nasaksian dagiti milagro. Ngem kinuna ni Jesus: "Dakayo ti saksik." Idi naawis ni Tomas a mangpennek iti panagduadua babaen ti panangsagidna kadagiti imana kadagiti sugat ti nagungar a Kristo, naibaga kenkuana "*Mamatika kadi gapu ta nakitanak? Nagasat dagiti mamati nupay didak makita!*"

Kaskasdi a narigrigat a pasien ti dadduma a banag babaen ti pannakakita kadagito, ngem ti mamati a di makita. Idi nasaksian dagiti adalan dagiti banag nga inaramid ni Jesus, a magmagna iti rabaw ti danum, panagburak kadagiti tinapay, mangited iti ikan, panangagas kadagiti bulsek, uray pay panangpagungar kadagiti natay - adda dagidiay di makaawat iti kinapudno iti imatangda. "Pantastiko unay," kinunada. Kasta met, isalaysayko dagiti banag a napasamak iti daytoy a kaputotan iti biag ni Kabsat Branham, a dagiti laeng sumagmamano ti mamati. Saan a pagrebbengak ti mangallukoy kadagiti amin a tattao a mamati, ngem pagrebbengak nga ibaga kadagiti amin a tattao no ania ti patiek, no ania ti nakitak ken nangngegko, ken ikkan kadakuada ti rason para iti "namnama nga adda iti unegko" iti daytoy nga oras, ken no apay nga agtaktakderak iti lugar nga ar-aramidek.

Pearry Green,  
Tucson Tabernacle,  
Tucson, Arizona, U.S.A.

[www.believersnewsletter.org](http://www.believersnewsletter.org)



Email [info.bnl.ministries@gmail.com](mailto:info.bnl.ministries@gmail.com)

Ni Reverend Green ket nasinged a gayyem ken kadua ni Kabsat Branham, nangnangruna kadagiti maudi a tawen ti biagna. Iti librona a "*Dagiti Aramid ti Propeta*" paneknekanna dagiti namilagruan a banag a nakita ken nangngegna iti ministerio ti Propeta ti Dios agingga iti daytoy a Panawen. Sapay koma ta mapaneknekan a bendision kadakayo bayat ti panangaramidyo iti daytoy a panagdaliasat iti addang ti pudno a Propeta ti Biblia, nga addaan kadagiti pudno a Nainkasuratan a pagilasinan ken pudno a Nainkasuratan a Mensahe.